

CENTRALNA BANKA BOSNE I HERCEGOVINE

SAOPŠTENJE

o stavljanju u opticaj kovanog novca apoena 2 Konvertibilne marke i apoena 5, 10 i 20 Feninga dodatno kovanog u 2008. godini

U skladu sa Odlukom o kovanju dodatnih količina kovanog novca u apoenima od 1 i 2 Konvertibilne marke i u apoenima od 5, 10 i 20 Feninga, UV broj: 311/08 od 27. februara 2008. godine, Centralna banka Bosne i Hercegovine je izvršila kovanje dodatnih količina kovanog novca apoena 2 Konvertibilne marke i apoena od 5, 10 i 20 Feninga.

Ovaj kovani novac ima osnovna obilježja i tehničke karakteristike utvrđene, kako sljede:

- za apoen 2 Konvertibilne marke, Odlukom o izdavanju, osnovnim obilježjima i puštanju u opticaj kovanog novca od 1 i 2 Konvertibilne marke, UV broj: 12/00 od 23. i 28. juna 2000. godine ("Službeni glasnik BiH", 20/00),

- za apoene 10 i 20 Feninga, Odlukom o izdavanju, osnovnim obilježjima i puštanju u opticaj kovanog novca od 10, 20 i 50 Feninga, UV broj: 23/98 od 18. i 19. novembra 1998. godine ("Službeni glasnik BiH", 24/98 i 25/98),

- za apoen 5 Feninga, Odlukom o izdavanju, osnovnim obilježjima i puštanju u opticaj kovanog novca u apoenima od 5 Konvertibilnih maraka i 5 Feninga, UV broj: 157/05 od 22. decembra 2005. godine ("Službeni glasnik BiH", 92/05),

s tim da na naličju svih navedenih apoena kovanog novca brojčana oznaka, kao godina kovanja novca, je "2008".

Počev od 10. septembra 2008. godine Centralna banka Bosne i Hercegovine će preko centrale, glavnih jedinica i filijala pomenuti kovani novac staviti u opticaj kao zakonsko sredstvo plaćanja u Bosni i Hercegovini.

Obavijest o stavljanju u opticaj kovanog novca apoena 2 Konvertibilne marke i apoena 5, 10 i 20 Feninga, dodatno kovanog u 2008. godini nalaziće se na web stranici Centralne banke Bosne i Hercegovine.

Ovo saopštenje objaviće se u "Službenom glasniku BiH", "Službenim novinama Federacije BiH", "Službenom glasniku Republike Srpske" i "Službenom glasniku Brčko Distrikta BiH".

Broj: 01-1225-08

GUVERNER
mr Kemal Kozarić